

www.BibleForChildren.org


Matiye 1



Me nanyi'ti ki mehen, Luwə ulə malayka Gabiriyel me bebo'ti ki to'a nan Najareti, donangi'ti ki Galile. Ulə rə ngonn mandit'i madit ki gər ngaw el bay, ki dingəm kare ki to'a nan Jisepti, ki ginn kojit'i lə *Dabidit ki njenduwə li'ə. To ngonn mandit kakin nan Mari.



Malayka el'ə ene: «Bol el Mari, tado ingə
maji takum Luwə'ti. A in sə'm, a oji
ngonn ki dingəm, a ində to'a nan
Jeju. A in kibo, a bari'ə Ngonn lə
Njekisi do nya'gi'ti pəti. Ningə,
Burəbe Luwə a ad'a kumbər
ngar lə kaw'a Dabidi. A onbe
do ginn koji'ti lə *Jakobi biti ki
non'ti. Ningə Konbe li'ə a ində
ngangi'ne el to.»



Mari el malayka ene: «Gorow ki bann ə
nya'gi kin a rai nya wa? Tado m'gər
ngaw el bay.» Malayka el'ə ene:
«Ndil Luwə a re do'i'ti, Njekisi do
nya'gi'ti pəti a buki togi'ne do'i'ti.
In tado kin ə, ngonn ki
a oj'o in rə Luwə'ti,
a bari'ə Ngonn
lə Luwə.»



Me ndo'gi'ti ki go'ti, Mari ində taa, aw kalangi kalangi ki donangi ki mbal'gi in səm'ti, me be'ti ki donangi Juda. Aw ur me kəy'ti lə Jakari, uwə ji Elijabeti.

Loki Elijabeti oo ndu Mari ningə, Ngonn ki me'ə'ti odi ro'ne ndur kuti kuti.

Ningə Ndil Luwə ros'o to. Lo kin'ti, Elijabeti un ndu'ne ki taa, el Mari ene: «Luwə adi njangi do in do'i'ti dann dene'gi'ti pəti. Ningə Ngonn ki to me'i'ti kaa

maji ur'ə to.»



Gorow koji Jeju Kirisiti ə to kin. Kon'a Mari in njenduwə lə Jisepti ki uwə dɔ'a. Ningə, loki ingəi nan dene ki dingəm el bay ə, Mari in səm ki tɔgi lə Ndil Luwə. Lo kin'ti non be, Jisepti ki njenduwə lə Mari, in de ki dana, ndigi kadɪ n'elɪta kin ki taga n'ulə'n rɔsɔl dɔ Mari'ti el, adɪ ɔji me'ne'ti kadɪ n'inyəi nan ki Mari gidɪ kuwə par.



Loki oji ta kin be me'ne'ti ningə, malayka lə Burəbe te bus me nii'ti el'ə ene: «Jisepti, ngonnkaw Dabidi, bol el kaditaa Mari ne'i'ti, tado ngonni ki to me'i'ti kin, in ngonni ki re ki gorow lə Ndil Luwə. Mari a oji ngonni ki dingəm, ningə a inde to'a nan Jeju, tado in ə in de ki a ajit de'gi lə'ne me majel'gi'ti lə'de.»



Loki Jisepti ndəl do bi'ti, ra toki malayka lə Burəbe el'n'ə,
adi taa Mari ne'ne'ti, re si'ə key. Nan gər'ə ki dene ki
dingəm'ti el, biti kadi Mari oji'n
ngonn. Oji ngonn ki dingəm,
adi Jisepti inde to'a nan Jeju.



Dokagilo'ə'ti kin, nje konbe kibo Sejar Ogusiti un ndu'ne
kadi ndangito de'gi ki donangi'ti pəti me makitu'ti. De'gi
pəti awi kadi ndangito'de,
Nan nan kaa aw be
koji'ne'ti.



In be ə, Jisepti kaa in bebo Najareti'ti, donangi Galile'ti,
isi aw bebo'ti le Dabidi, ki bari'ə Betlehem, donangi
Jude'ti. Tado Jisepti in de ki
ginn koji'ti le Dabidi. Awi
kadi ndangito'de
nan'ti ki Mari



ki njenduwe li'ə, ki ra ki sə'm.



Loki in Betlehem'ti non
bay ningə, ndə koji
ngonn lə Mari asi.



Mari oji ngonn'ne ki dokete to ngonn ki dingem. Bir ngonn kakin ki ku, ile me nya ngem nya kuso'ti le da'gi, tado lo ki kadɪ ingei to'i'ti me key to mbah'gi'ti goto.



Njekul da'gi in me mu'ti do lo'ti kin non, indɛi bi taa isi
ngɛmi da'gi lɛ'de kondo. Ningɛ nyɛ oyi malayka
lɛ Burɛbe te bus ki rɔ'de'ti. Toji lɛ
Burɛbe unji gugɛ do'de,
adi bol
tol'de.



Nan malayka el'de ene: «Boli el, tado m're ki Poyta ki maji kadi madi'se. Poyta ki maji kin a in nya ronel kibo ngayn tado la de'gi peti ki donangi'ti ne.»



«In bone ə oji nje kajɪ me be'ti lə Dabidi adi'se. Njekajɪ ki in Kirisiti ki in *De ki Luwə mbət'ə, Burəbe. Ningə nyakoji ki in a gəri'ə ə to kin: A ingəi ngonn ki kasi ki biri'ə ki ku, ə iləi'ə me nya ngəm nya kuso'ti lə da'gi.»



Tanan'ti non, bulə de'gi njero'gi ki doran'ti, tei, indəi
ro'de nan'ti ki malayka ki kare kakin, ningə
osi pa piti Luwə eyina: Tojt in ki do

Luwə'ti ki
nje

kisi doran'ti
taa nu.



Taa, kisimaji ki do donangi'ti, ki ro
de'gi'ti ki Luwe ndigi'de to.



Loki malayka'gi inyɛi'de ɛ tɛli awi
dɔran'ti gogi, njengɛm da'gi elinan
dann'de'ti eyina: «Adi j'awi bitɛ ki
Betlehem'ti j'oyi nya ki ra nya ɛ
Burebe te ki do'a adi'je kin.»



Indei kalangi awi ninge nyi, ingei Mari ingi
ki Jisepti, nan'ti ki ngonn ki kasi ki ilai'e me
nya ngem nya kuso'ti le da'gi. Lokt oyi
ngonn ki kasi kakin ninge, go'ti ori ginn
nya'gi ki eli'de ojido ngonn
ki kasi kin.



Oji Jeju Betlehem,
donangi ki Jude'ti,
dokagilo konbe'ti le
ngar Erodi. Go
koj'o'ti, nje
nyager'gi ki do


mee'gi'ti, in lo kuwe kadi'ti rei
Jerujalem, ningə dəji eyina: «Ngar
le *Juwipi'gi ki oji'ə kin in ra be ə?
J'oo mee li'ə te lo kuwe kadi'ti ə ji
re kadi j'osi məkəsi'je nanga
non'a'ti.»



Lo kin'ti, Erodi bar nje
nyagər'gi ki do mee'gi'ti gidi
kuwə, dəji'de ke dokagilo
ki ra inbe bangi ə mee
te'n wa? Ningə go'ti, ulə'de
Betlehem'ti ene: «Ai dəji
ta ki rəta'ti do ngonn'ti kin.
Lokɪ ingəi'ə ningə, rei eli'm'in
adi m'in kaa m'aw m'osi
məkəsi'm nanga non'a'ti to.»



Go ta'ti le ngar kin ningə, nje nyager'gi osi do row'ti isi awi. Ə loki isi awi ningə nyi oyi mee ki oyi'ə lo kuwə kadi'ti kakin ə ra njiyə non'de'ti. Njiyə re te do key'ti ki ngonnn to'ti ningə, ra lokati.



Ə uri me kəy'ti ningə, oyi ngonn in ki kon'a Mari, ningə
osi məkəsi'de nanga, piti'ə. Go'ti, tei ta bəl'gi lə'de, adi'ə
or, ki nduji kagi ki əti maji, ki nom
kagi. Go nya'gi'ti kin, Luwə el'de
me nii'ti kadi təli gogi ki row ki
do Erodi'ti el. Be ə, təli awi
be lə'de ki row
ki rangi.




Loki nje nyager'gi awi ningə,
malayka lə Burəbe te me nii'ti
el Jisepti ene: «Ində taa un
ngonn in ki kon'a, ə anyi aw
se'de Ejipiti. Aw si'ti non biti
kadı m'in m'el'i bay taa
in təl re se'de, tado
Erodı a sangı kadı n'tol
ngonn kin.»



Jisepi ində taa kondə'ti non,
un ngonn in ki kon'a, ninge
anyi aw se'de Ejipiti'ti.
Si'ti non biti koy Erodi, adi
ta ki Burebe el ki ndu
njekeltakita'a'ti ene:
«M'bar ngonn'm kadi
te me be'ti ki Ejipiti ko»
kin toltane.



Loki Erodi oo kadi nje nyager'gi
edi'e, wongi ra'a ngayn. Wongi
ra'a adi un ndu'ne kadi toli
ngann'gi ki kasi ki in do bal ki
joo'ti tel ki nanga ne peti me
be'ti ki Betlehem, ki ngann be'gi
ki gidit'i. Bal kin in kigo



dokagilo'ti ki nje
nyager'gi oji'e'n'e.






Loki Erodi oy nga ningə, go
koy'o'ti, malayka lə Burəbe
te ki ro Jisepi'ti, Ejipiti'ti me
nii'ti, el'ə ene: «Ində taa,
un ngonni ki kon'a, ə təli awi
donangi Isirayel'ti gogi,
tado de'gi ki isi sangi
kadi n'toli ngonni kaa
oyi nga.»



Nan loki oo kadi Arkelosi
onbe do Jude'ti tor
baw'ne Erodi'ti, bol ra'a
kadi aw Jude'ti. Be ə,
Luwə el'ə me
nii'ti ad'a
aw



Galile'ti yo. Aw isi me
bebo'ti ki bari'ə Najareti. Be kadi ta
ki de'gi ki njekeltakita Luwə'ti eli eyina:
«A bari'ə de ki Najareti'ti kin tol'n ta'ne.»



Tado Luwə ndigi de'gi ki donangi'ti ne
ngayn, ə adi'de Ngonn'ne ki koji
kareba, kadi de ki ra ki un me'ne ə,
kadi de'ə kin tujt ko el, nan
kadi isi ki do'ne taa
biti ki non'ti.



Roman'gi 3:23 de'gi pəti in njeramajel'gi,
adi tobar lə Luwə nal'de.

Roman'gi 6:23 Tado nyakugə bangi majel in koy, ningə nya
kadi ki Luwə adi'je kare in kaji ki biti ki non'ti, me to Jeju
Kirisiti ki Burəbe lə'je.

Ebire'gi 9:27 Ningə in ki kində do'a dana kete,
kadi de ki ra ra a oy nja kare par, ningə go koy'o'ti,
Luwə a gangi ta do'a'ti.

Epeji'gi 2:8,9 In takul memaji ki gorow lə kunme ə, ingəi
kaji um in kigo kaji ta ra'ti lə'se el. Nan in Luwə ə adi'se kaji
kin kare. Kaji kin in ki takul kulə ra'se madi ki maji el. In be
el, kadi de madi ində'n kadi'ne el.

Roman'gi 10:9,10 Toki rəta'ti, re ta te ta'i'ti toki Jeju in
Burəbe, ə re un me'i toki Luwə un'ə taa dann njekoy'gi'ti
ningə, a ingə kaji. Tado kunme ki in ngarme'de'ti ə Luwə
a or ta do de'ti, ningə ta ki te ta de'ti ə a aji'de to.



Jan 3:16,17 Tado Luwə ndigi de'gi ki donangi'ti ne ngayn,
ə adi'de Ngonn'ne ki koji kareba, kadi de ki ra ki un
me'ne ə, kadi de'ə kin tuji kə el, nan kadi isi ki do'ne taa
biti ki non'ti. Nya ki kadi de gər, Luwə ulə Ngonn'ne
donangi'ti kadi gangi'n ta do de'gi'ti ki donangi'ti el, nan
ulə si'ə kadi ajt'de!

1 Jan 5:11-13 Naji ki man ki kadi jt gəri majt in kajt ki biti
ki non'ti ki Luwə adi'je kin. Ningə in kajt ki adi'je ki takul
Ngonn'o. De ki in me Ngonn'ti ingə kisikidətaa, nan de ki
in me Ngonn lə Luwə'ti el, kisikidətaa li'ə goto.
Nga ningə, ki ne kin, m'ndangi makitu kin m'adi'se, in ki
uni me'se adi Ngonn lə Luwə, kadi in gəri tokt ingəi kajt ki
biti ki non'ti.



Matiye 1-2; Luki 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Gor Bible (gqr) © 2014, Wycliffe Bible Translators, Inc.
All rights reserved.

<https://live.bible.is/bible/GQRWBT/MAT/1>

©2024 Bible for Children, Inc.

www.M1914.org

www.bibleforchildren.org

